

Shadan rangkul naib johan Anugerah Kepimpinan PBT Terbaik (Bandaraya)

MBMB setanding bandaraya maju



Norafiqah Jamal

AYER KEROH – Datuk Bandar Majlis Bandaraya Melaka Bersejarah (MBMB) Datuk Shadan Oth-

man mencatat sejarah tersendiri apabila merangkul gelaran Naib Johan Anugerah Kepimpinan Pihak Berkuasa Tempatan (PBT) Terbaik bagi Kategori Bandaraya.

Anugerah berprestij yang dianjurkan setiap tahun oleh Kementerian Perumahan dan Kerajaan Tempatan (KPKT) itu berlangsung di sebuah hotel di Kuala Lumpur, 8 November lalu.

Shadan menerima penghargaan berupa cek replika bernilai

RM5,000 dan sijil daripada Menteri Perumahan dan Kerajaan Tempatan, Nga Kor Ming, sambil disaksikan Timbalan Menteri, Datuk Aiman Athirah Sabu.

Ketika dihubungi Melaka Hari Ini, Shadan memaklumkan pencapaian diraihinya itu bukanlah datang dari dirinya seorang, sebaliknya ia adalah hasil usaha seluruh warga kerja MBMB.

“Untuk Anugerah Kecemerlangan Menteri KPKT ini, MBMB

bersaing dengan Dewan Bandaraya Kuala Lumpur (DBKL) yang mendapat juara dan Majlis Bandaraya Pulau Pinang (MBPP) yang menduduki tempat ketiga.

“Penganugerahan ini menunjukkan status MBMB kini setanding bandaraya maju lain di negara ini dan kejayaan ini bukan untuk saya seorang tapi hasil daripada warga kerja MBMB sendiri,” katanya.

Mengulas lanjut, Shadan ber-

kata kejayaan itu juga menjadi penyuntik semangat untuk bekerja lebih kuat demi memastikan Melaka dan MBMB terus kekal bersih dan lestari.

“Suka untuk saya katakan kejayaan ini menjadi sumber inspirasi untuk memperkukuh pembangunan dan memastikan Melaka terus berkembang sebagai bandaraya mampan dan lebih baik pada masa akan datang,” katanya.



SHADAN menerima naib johan Anugerah Kepimpinan PBT Terbaik bagi Kategori Bandaraya yang disampaikan Kor Ming. Foto Shadan Othman



SHADAN menunjukkan sijil penghargaan yang dimenangnya. Foto MBMB